

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
OPĆINSKA IZBORNA KOMISIJA

Broj: OIK-6/19

Maglaj, 11.02.2019. godine

IZVJEŠTAJ O RADU OPĆINSKE IZBORNE KOMISIJE MAGLAJ ZA 2018. GODINU

Općinska izborna komisija Maglaj (u daljem tekstu: OIK Maglaj) u sastavu Tea Zamboni (član), Mario Ninković (član) i Armin Bašić (predsjednik) zakonom propisane dužnosti obavlja od mjeseca maja 2018. godine.

U mjesecu maju 2018. godine imenovan je i sekretar OIK-a za obavljanje administrativno-tehničkih poslova.

OIK Maglaj je na svim sjednicama radio u punom sastavu i odluke je donosio jednoglasno. S obzirom da je 2018. godina bila izborna godina, članovi OIK Maglaj su održali sastanke sa predstavnicima nevladinih organizacija, OSCE-a, MUP-a, te su prisustvovali obaveznim edukacijama održanim od strane CIK BiH.

Prema Izbornom zakonu BiH, Općinska izborna komisija:

1. nadgleda i kontroliše rad Centra za birački spisak
2. određuje biračka mjesta na području općine za glasanje na svim nivoima vlasti u Bosni i Hercegovini
3. provodi postupak imenovanja, imenuje i obučava članove biračkog odbora,
4. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini,
5. obavještava birače o svim informacijama neophodnim za provedbu izbora, u skladu sa propisima Centralne izborne komisije BiH,
6. odgovorna je za uređenje biračkog mjesta i druge tehničke pripreme za izbore,
7. odgovorna je za pravilno brojanje glasačkih listića na biračkim mjestima i u općinskim centrima za brojanje,
8. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH i
9. obavlja druge poslove u skladu sa zakonom i propisima Centralne izborne komisije BiH.

Imajući u vidu gore navedene nadležnosti u nastavku izvještaja donosimo kratak pregled najznačajnijih izbornih aktivnosti koje su provedene od strane OIK Maglaj.

1) Biračka mjesta

OIK Maglaj je u zakonom propisanom roku odredio 31 biračko mjesto, jedno biračko mjesto za glasanje u odsustvu i za glasanje nepotvrđenim glasačkim listićima, te jedan mobilni tim. Za objekte u kojima su bila biračka mjesta izabrane su škole, prostorije mjesnih zajednica, društveni domovi, te privatni poslovni prostori. Kao i na prethodnih izborima, 5 biračkih mjesta je bilo smješteno u privatnim poslovnim prostorima. Sa vlasnicima privatnih poslovnih prostora su sklopljeni ugovori o zakupu, koji su isplaćeni u roku od mjesec dana od održavanja izbora.

2) Imenovanje i obuka biračkih odbora

OIK Maglaj je izvršio imenovanje članova biračkih odbora, dok je obuka članova biračkih odbora izvršena od strane stručnog predavača. Obuku predsjednika i zamjenika biračkih odbora vršili su članovi OIK Maglaj. S obzirom da su Opći izbori 2018. godine praćeni i određenim izmjenama, kao što je zamjena metalnih glasačkih kutija sa providnim plastičnim kutijama, OIK Maglaj je održao poseban sastanak sa predsjednicima biračkih odbora na kojem su date smjernice, kako bi se izbori provedu bez nepotrebnih poteškoća. OIK Maglaj je imao poteškoća sa velikim brojem odustajanja od članstva u biračkim odborima, te je predsjednik OIK Maglaj uložio velike napore kako bi adekvatno popunio biračke odbore. U tu svrhu je insistirao na formiranju "rezervnog spiska" od 10 osoba koji je bio sačinjen od osoba koje su članovi općinske administracije.

3) Akreditovanje posmatrača

OIK Maglaj je izvršio akreditovanje svih predloženih posmatrača, te dostavio uredno popunjenje iskaznice za sve posmatrače zajedno sa odlukom o imenovanju posmatrača svim političkim subjektima koji su predložili posmatrače. Spisak posmatrača je dostavljen i svim biračkim odborima. Rad biračkih odbora su pratili i posmatrači nevladinih organizacija, kao i međunarodni posmatrači.

4) Proces glasanja

Sva biračka mjesta su bila uredna i adekvatno pripremljena za proces glasanja. Svi birački odbori su na vrijeme u 07,00 sati otvorili, te u 19,00 sati zatvorili biračka mjesta. Proces glasanja je prošao bez većih poteškoća i incidenata na biračkim

mjestima.

- Unos i obrada izbornih rezultata

Na unosu i obradi izbornih rezultata, pored zaposlenika Centra za birački spisak bili su angažovani i članovi općinske administracije. Važno je istaknuti da osobe koje su radile na unosu i obradi podataka su svoj posao obavile korektno, o čemu je pismeno obavješten i načelnik Općine Maglaj. Za razliku od prethodnih izbora, osobe koje su radile na unosu i obradi podataka nisu sklapale ugovor o djelu sa OIK Maglaj.

- Komunikacija sa političkim subjektima

OIK Maglaj je svoje akte objavljivao na službenoj stranici Općine Maglaj, te na oglasnoj tabli Općine Maglaj. Veći broj akata je objavljen i na RTV Maglaj. OIK Maglaj je svim političkim subjektima bio dostupan i putem e-maila.

Važno je istaknuti da su članovi OIK Maglaj bili dostupni svim političkim subjektima, članovima biračkih odbora, te biračima i putem privatnog telefona, e-maila, kao i putem društvenih mreža.

OIK Maglaj ima za potrebu da ukaže da su Opći izbori 2018. godine provedeni uspješno, te da je OIK Maglaj ostvario dobru saradnju i komunikaciju, kako sa političkim subjektima, medijima, biračkim odborima, tako i sa biračima.

PREDSJEDNIK OIK MAGLAJ

Armin Bašić, mag.iur.

